


5. 2  
R. D.

PATRIARCHAE ORIENTALIVM  
ASSYRIORVM DE SACRO OECVMENICO  
TRIDENTINI CONCILIO

Approbatio, & professio, ET Literæ Illustrissimi Domini  
Marciantonij Cardinalis Amulij ad legatos  
Sacri Concilij Tridentini.

M D L XII.



RIPAE:

M D L XII.

2

THE  
LIBRARY OF THE  
MUSEUM OF NATURAL HISTORY  
AND  
ZOOLOGY  
OF THE  
CITY OF LONDON  
1851



1851  
MUSEUM OF NATURAL HISTORY  
AND  
ZOOLOGY  
OF THE  
CITY OF LONDON

# LITERAE ILLVSTRISSIMI DOMINI

## MARCIAntonii CARDINALIS AMV.

lli ad Legatos Sacri Concilii Tridentini super professione  
fidei Patriarchæ Assyriorum Orientalium .



EVERENDISSIMI Et Illuſtriſſimi Domini Con-  
ſeſſandiſſimi, Reuerendus Dominus Abdiſſi Affyriorū ori-  
entalium Patriarcha, electus a clero, et eorum Populorum cō-  
ſenſu, qui finitima Tigri fluuio loca incolunt, Turcarum, &  
Perſarum Imperio ſubiecti, annō ſuperiore, ut confirmare-  
tur a Pontifice Maximo, ad urbem ſe contulit, cum qui lite-  
ris, ac teſtibus fidē dignis cognita eius electio, & probitas eſſet, ac per mul-  
tos non ſolum dies, uerum etiam meſes abſolutam noſtrorum rituum cogni-  
tionem, a quibus antea in nonnullis, non quidem grauibz, diſſenſerat, a ca-  
tholicis, & eruditis hominibus accepisset, tandē ( proponēte me ) a S. D. N.  
frequenti Conſiſtorio, Patriarcha, & Paſtor illorum populorum declaratus  
eſt : Cum prius ſe nunquam a ſanctiſſimis ſedis apoſtolicæ Decretis eſſe diſ-  
ſenſurum, aut diſceſſurum, ſolemniter de more, confeſſione, & Iure iurando  
pollicitus eſt . Quorum rerum memoria literis diligenter conſignata, in Ar-  
chivio cuſtoditur . Quod niſi ſenio iam confeſſus redire ad ſuos, impe-  
trata primum a S. D. N. licentia, properaſſet, ut eos Eccle. Doctrina plenius  
inſtrueret, ad ſacrum Concilium profeſſus eſſet, ut iſtic fidem catholicam,  
ſuumque erga ſedem apoſtolicam ſingulare ſtudium, & obedientiam profite-  
retur : Abeuntem ſummus Pontifex ipſum, ſuosq; præſbiteros, & Diacono-  
rum veſtimentis, & rebus omnibus ad eius ſacerdotium pertinentibus, &  
Viatico eſt proſecutus . Huius uiri eximiam in Deum pietatem, optimum-  
que de uera fide ſenſum, cum in multis alijs, tum in eo perſpeximus, quod cum  
diſcederet, petijt ſtudioſiſſime, ut iſtius Sacri Concilij Canones, & Decreta  
perſerenda ad eum curaremus : ſe enim quicquid in Concilio ſtatutum erit,  
omnino ſeruaturum promiſit, daturumq; operam, ut omnes ſui ſeruiant, & Chi-  
rographo ſuo caldaica lingua confeſſo, quod latine exploratum cum hiſ literis  
mittimus confirmauit . Nos autem libenter fecimus, ut eius probitatis,  
prudentiæ, eruditionis, ac nobilitatis teſtimonium hiſ literis daremus . Nam  
ex celeberrima ortum familia, opibus etiam pro loci ratione abundante, iam  
ſexagenariū, nec aliā ob cauſam tam lōgum, tamque difficile, ac periculoſum  
uer ſuſcepiſſe, niſi, ut uifiſtaret Apoſtolorum limina, & Pontificis maximi pe-  
dibus oſculum ferret, optimāq; erga hanc ſedem uoluntatem oſtenderet, per-  
ſpicue cognouimus . In itinere ſemel a curdis Populis, hiſ a Turcis male ac-

ceptū, ac fustibus percussū esse, satis constat. Hic sepe de sacris literis interrogatus, grauitē admodū, & copiose respondit, magna omnium admiratione, qui sententiā eius verborū ab interprete audiebant: nominabat, eosque se habere dixit, libros omnes ueteris, & noui Testamēti, etiam quos hēbrei, aut hēretici non probant, antiquos Doctores grēcos, & latinos eisdem fere, quibus nos utimur, caldaice, syriace, aut Arabicē uersos diligenter legisse, non nullos etiam, quorum nomina a nobis ignorantur. Addebat hoc, in Caraemiet Turcarum Ciuitate libros esse ab ipsa fere Apostolorū etate conscriptos, qui nunc in quadam Bibliotheca custodiuntur. Summā profecto Dei beneficentia licet agnoscere, quod in tam longinquis Regionibus, quę nobis uix fama notę sunt; uere fidei cultus ad huc uigeat, et Christiana Religio nō minore fortasse, quam apud nos pietatem excolatur, conseruata Doctrina; quam per ea loca Beatorū Apostolorum Thomę, & Thadei Pij sermonibus disseminatam, & Marrij eorum Discipuli prædicationibus cōfirmatam, hic Patriarcha ita asseuerabat, ut etiam id se scriptis probaturū promitteret. Sacramentis aiebat uti se, ac Populos illos iisdem fere, quibus nos, confessione auriculari, precatione pro salute Mortuorum, canone iisdē fere uerbis in celebrāda Missa, consecratione prorsus eadē, imagines quoque sanctorum pijis precibus uenerantur. Fideles autē huic Patriarchatui subiectus dicunt esse usquo ad ducentamilia, quo argumento etiam, præter sexcenta alia, inania improborum hēreticorum commenta refelluntur, cum per annos mille Quinquēgetos ecclesię dignitas, ac doctrina salutaris apud gentis a nobis tot Terrarum intervallo diiunctas, in tanta rerum, Regum, & Regnorum mutatione Religionis uarietate, sub infidelium graui, ac iugi per iniurias, & Contumelias uexatione, in medio Barbariæ, eadem tamē ad hanc diem permanserit, quę nunc a gentibus nobis propinquis oppugnetur. Sed hæc quanti sint, atque adeo quantum sint, Domini Vestrę Illustrissimę ponderabunt. Ego uero de S. D. N. mandato, confessionē ipsius Patriarchę de obedientia sacro Concilio præstanda, cum his literis mitto, etię que me humillime commendo. Romę die xxviii. Augusti.

M D L X I I

D. V. Illustrissimam & Reuerendissimam

Humilissimus Seruus Marcus antonius Cardinalis Amatus.

A tergo uero, Illu. & Reuerendissimis Dominis Colendissimis DD. Cardinalibus Legatis Sacri Concilij Tridentini.

PROFESSIO FIDEI R. D. ABDISV

Patriarchæ Assyriorum Orientalium &c. facta sub

S. D. N. Pio Papa Quarto,

**C**ONFESSVS sum puro corde, & fide non fecta coram Reuerendissimis & Illustrissimis Dominis Michaelē, Tituli sanctæ Sabine, Alexandrino, & Marcoantonio Tituli Sancti Marcelli, Amulio; sanctæ Romanæ Ecclesiæ Præbyteris Cardinalibus, in hanc formâ videlicet.

**E**GO Abd, Isr. filius Ioannis de domo Martia ex Civitate Cezire in Tigri flumine, olim Monachus ordinis Sancti Antonij, Monasterij Sanctorum Rahæ, & Ioannis fratrum, electus Primas siue Patriarcha Civitatis Muzal in Assyria Orientali, iuro, quod ita corde credo, & ore confiteor, Sanctæq; Romanæ Ecclesiæ fidem, approbatis omnibus, & singulis illis, quæ ipsa approbat, & damnatis similiter omnibus, quæ ipsa damnat, amplector, & perpetuo me amplexurum, & retenturum esse profiteor, & promitto, et omnes fratres meos Metropolitæ, siue episcopos, ac Diocesanos quouis modo meæ iurisdictioni subiectos, ita credendum, & tenendum esse docebo, et modis omnibus, quibus potero, persuadere conabor, ita me Deus adiuvet, ut hæc Sancta Dei Evangelia. In quorum omnium fidem, hanc meæ fidei professionem, & attestationem manu mea scripsi, & subscripsi coram Reuerendissimis, & Illustrissimis Dominis .D. Michaelē tituli Sanctæ Sabine, Alexandrino, & D. Marcoantonio tituli Sancti Marcelli, Amulio, vulgariter nuncupatis, S. R. E. Præbyteris Cardinalibus.  
Romæ die vii. Martii M D L XII.

Fides publica de iis, quæ in infra scripto scripto continentur.

**A**NNO Domini M D L XII. Die xxiii. Iulij, Romæ Coram Illustrissimo, & Reuerendissimo Cardinali Amulio, constitutus Reuerendissimus Dominus Abdisu Patriarcha de Muzal, in Assyria, confessus est hoc scriptum inclusum, lingua, & characteribus Caldaïco, siue Syriaco exaratum, manu sua propria esse conscriptum, cuius rei fidem fecit Dominus Ioannes baptista Abiscinus Indus interpres, & præsentibus etiam Testibus infra scriptis, confessus est se uelle observare totum id, quod in scripto huic inserto continetur, & de ipsius voluntate in præsentia Testium infra scriptorum, & de mandato

Illustriſſimi Domini mei uſupra, propria manu fidem facio, ut poſſint hæc ſcripta autentica mitti ad ſacrum Concilium, & inde conſcribi publica documenta, ſi opus fuerit, & idem etiam latina lingua uerſum adiunxi.

Rome in Aedibus Illuſtriſſimæ Domini Cardinalis de Urbino.

Ita eſt Marcus Antonius Cardinalis Amulius.

Ego Bartholomæus Euſtachius Sanctoſeuerinus, affirmo uſupra.

Ego Antonius Ioannotius, affirmo uſupra.

Ego Chriſtophorus Anicbinus, affirmo uſupra.

Ego Aurelius Sanguanus demandata.

Patriarcha Aſſyriorum Orientalium iurat ſe credere recipere, & tenere omnia Decreta Conciliorum, præſertim Triden. &c.

Ego Abd Iſu filius Ioannis de domo Mattia ex Ciuitate Gezire, in Tigri ſumme olim monachus Sancti Antonii, Monaſterii Sanctorum Rahe, & Io. fratrum, nunc Dei, & Apoſtolice Sedis Primas, ſive Patriarcha ciuitatis Muſſzal, in Aſſyria Orientali, ſub cuius iuriſdictione multi Metropolitæ Episcopopi, & Dioceſani continentur. Vt. Arbel Metropolis: Sirana, Hancana Episcopatus, Cheptia Metropolis, Caramleys, Achuſch episcopatus, Naſſybin Metropolis, Macchazzin, Talleſcani, Mardin episcopatus, ſceert Metropolis: Azzen episcopatus, Elcheſſen Metropolis, Zuch, & Meſciara episcopatus, Gurgel Metropolis, eſci episcopatus, Amed Metropolis, Chiaruchia, Hayn, Tannur episcopatus; quæ omnes ſimul regiones ſubſunt Turcarum Imperio. Ormi ſuperior Metropolis, Vſcimi, et Cuchia episcopatus, Ormi inferior Metropolis, Durra ſolddos, Eſcinuh episcopatus, eſpurgan Metropolis, Naren, Cien nenc episcopatus, Salamas Metropolis, Baumar, Sciabathan, Vaſth an episcopatus, omnes Perſarum Regi, uulgo Sophi nuncupato ſubieſti; In India uero luſitanis ſubieſta, Cuſchin Metropolis, Cananor Metropolis, Goa Metropolis, Calicut episcopatus, cui ſubſeſt carongol ciuitas, quæ adhuc ab idolatris, et ethnicis hominibus poſſidetur. Iuro, & polliceor cum mihi non liceat ad Sanctam Sacram Tridentinam Synodum accedere, ſed neceſſe ſit, ut ad Patriarchatum meum me transferam, qui meo eget auxilio, & ſine cui ſtode me abſente, permanet, Munus enim Eccleſiarum Præſulis eſt, animas ſibi ſubieſtas quotidie in Sancta Chriſtiana fide inſtruere, et moribus, uiteq; integritate eas in fide confirmare, ne grex ſibi cõmiſſus Paſtoris regimine de-

stitutus, in uarios incidat morbos, quod eo facilius gregi meo accidere posset, qui cum sit sub infidelium tyrannide, adhuc multos in Christiana fide imbecilles tenet, & quotidie, etiam mea diligentia Dei gratia cooperante, ampliari potest. Cumq; difficile fratres mei Metropolitæ Episcopi, & Diocesani, qui tam longe absunt, possint in hanc sacram Tridentinam synodum conuocari.

Ea de re, ita meo, quam eorū nomine, quos omnes ex corde Sanctæ Romanæ catholicæ ecclesiæ partes tenere non dubito, inherendo iuramento fidelitatis, alias per me confecto, siue per me præstito.

Inroinquam, & polliceor, omnia nos tenere, & credere, quæ in sanctis Oecumenicis Concilijs hucusq; sunt acta, & secundum eorum decreta promitto omnes filios nostros instituire, & præcipue in ijs, quæ in sancta Sacra Oecumenica Tridentina Synodo terminabuntur. De cuius legitima congregatione nihil poenitus dubito, sed ei, & meo, & eorum nomine reuerenter, & humiliter me subijcio, uocatusq; ad hanc, seu ad aliam Sanctam Synodum, cum dictis fratribus meis libenter semper accedam, sic me Deus adiuuet, & hæc sancta euangelia.

